

COMUNICATO n. 747 del 09/04/2024

Traduzione in cimbrio

Pinn auzschraibung“Coabitazione attiva”: an quartìaro (100 euro/månat) un an arbat von acht djunge

[Cimbrio] Dar auzschraibung bill helvan in djungen zo giana auz von haus un zo machanen a lem sèlbart. Da earst editziong bartze haltn in Kamòu vo Scurelle. Dar prodjèkt hatt 'z zil zo geba vor acht djunge an oportunitét zo leba vor zboa djar in an quartìaro zalante 100 euro aftn månt odar bintsche mearar. Darzuar, pittar hilfe von Åmt vor di arbat bartz soin destrat vennenen an arbat, legante panàndar daz sèll boda dise djungen soin guat zo tüana pinn sèll boda, in da gelaichege zait khint gevorst von firme lånt un von lentar nidar namp. Kkurtz khött pitt disarn sperimentatziong gehoazt “Coabitazione attiva” di Provìntz bill helvan un machan destrat vor di djungen boda hãm von 18 afte 35 djar boda, saiz vor sotziàl/ekonomesch problème, saiz vor kulturàl questiongen, machan fadige zo giana auz von haus, zo machanen a lem soi sèlbart. Dar auzschraibung iz khent vorlengart sin atz 30 von abrèl 2024.

“Billdo gian auz von haus un machandar a lem doi sèlbart, zalante 100 euro aftn månat? Un magare vennen an arbat o? Iz an intruam? Nò 'z iz bar! Nimm toal in auzschraibung "Coabitazione giovani" un mach machan an sprung doinar zukunft!” Asó hefta å di reklâm von prodjèkt boda bart khemmen gemacht in Kamòu vo Scurelle. Dar auzschraibung bart skadarn atz 30 von abrèl 2024.

Dar prodjèkt lekk vür zo nütza an quartìaro pitt acht khåmmarn aniaglana pitt soin bånjo un åndre plètz boma steat anvétze pittnàndar, boda hatt dar Kamòu vo Scurelle, quartìaro boda iz khent gèt zo zis åna z'zala in Öffentlesche Åmt vor Di Dianst in Laüt vodar Burge. Ditz Åmt hatt detzidart zo nütza in quartìaro vor disan naüng prodjèkt boda schützt da sotziàl nèt un di bichschaft von lånt nã in printzipio auzovülla un zo geba naügez lem in öffentleschen gehäus boda nèt khemmen genützt. Di arbatn khemmen vürgevüart von Åmt vor da Sotziàl Pintom un von Åmt vor di Arbat vodar Autonome Provìntz vo Tria, von Kamòu vo Scurelle un von Öffentlesche Åmt vor Di Dianst in Laüt vodar Burge.

Dar prodjèkt hatt bol 'z zil auzohalta di djungen boden bölln machan a lem, ma in da gelaichege zait bölltma sterchran in sotziàl schatz pezzrante asó 'z lem vo alln in pürgar un nã pezzrante 'z lånt. Berda nimp toal disan prodjèkt bart mochan machan sovl urn fraiböllege arbat, haltante kunt ke ditza mage nèt mengln in Trentino. Dar auzschraibung lekk vür defatte zen urn aftn månat fraiböllege arbat. Di djungen bartn mochan machan arbatn boda pezzarn 'z lem vo alln.

Darzuar zo haba an quartìaro zalante gantz bintsche, di djungen bartn hãm modo zo venna an arbat o pittar hilfe von Åmt vor di arbat boden bart helvan drinnzomachase un zo vorstiana baz da mang tüan.

ZO HABA MEARARE INFORMATZIONGEN:
Telefón: 0461/754123

e-mail info@apspborgo.it
www.trentinofamiglia.it

Übersetzt von Schaltarle vor di zung von Toalkamou vodar Zimbar Hoachebene

(cdt)